



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CCLXXX. Der Markgraf Otto bezeugt, daß ihn der Bischof in seinen Nöthen mit Geld unterstützt hat, am 25. Juni 1370.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

**CCLXXIX.** Der Markgraf Otto schenkt dem Domcapitel einen Hof und zwei Hufen im Dorfe Nibede zur Pfarre daselbst, am 14. April 1369.

Noverint universi tenorem presentium inspecturi, quod nos, Otto, dei gratia Brandenburgensis marchio, sacri Romani imperii archicamerarius, comes palatinus Rheni, Bavarie dux, ob honorem et laudem omnipotentis dei et gloriosissime genitricis virginis Marie ac beati Andree apostoli, et ob hoc precipue, ne cultus divinus, quem modis omnibus affectamus augeri, in villa Nybede, Brandenburg. diocesis, propter paupertatem et exilitatem reddituum ipsius ecclesie, quibus rector ejusdem sustentari debet, detrimentum aliquod in divinis officiis patiatur, appropriavimus et per presentes sollempniter appropriamus curiam et duos mansos in villa Nibede predicta, quos quidam mansos et curiam a Petro Katherine, qui predictos curiam et mansos hereditarie hucusque inhabitavit et coluit et a strenuo viro Henningo de Griben, qui eisdem a nobis in pheodum hactenus tenuit et possedit, discretus vir dominus Johannes de Havelberge, rector ecclesie parochialis ville predictae ad emendationem ejusdem ecclesie pro anime sue salutari remedio et perhenni sui memoria pro sua pecunia comparavit cum omnibus, juribus, commodis, honoribus, fructibus, redditibus, proventibus, obventionibus et pertinentiis quibuscunque, quibus predicti Petrus hereditarie et Henningus pheodaliter tenuerunt et hactenus possederunt; exnunc inantea justo proprietatis titulo et vero dotis nomine ad suprascriptam ecclesiam parochialem in Nybede pacifice et quiete perpetuo ab exactionibus, impositionibus, servitiis debitis seu consuetis ac oneribus secularibus quibuscunque liberos et exemptos existere, plena et ecclesiastica immunitate gaudere, renuntiantes pro nobis, heredibus et successoribus nostris omni juri, actioni ac impetitioni, quod aut que nobis in predictis bonis competit vel competere poterit quomodolibet in futurum. In cujus rei testimonium sigillum nostrum duximus presentibus appendendum presentibus reverendo in Christo patre domino Theoderico, Brandenburgensis ecclesie episcopo, strenuis viris Johanne de Rochow, Hermanno de Wulkow, Haffone de Wedel, militibus, Nicolao de Bifmark, curie nostre magistro, Gunzolino de Berthinsleben, Gebhardo de Alvenleben, Ottone Morner, curie nostre judice, Jano de Buk ac honorabili Rudolfo, preposito Stendaliensi, prothonotario nostro, cum ceteris pluribus fide dignis. Datum Berlin, anno domini millesimo trecentesimo sexagesimo nono, feria sexta ante dominicam, qua cantatur: Misericordia domini.

Nach dem Original.

**CCLXXX.** Der Markgraf Otto bezeugt, daß ihn der Bischof in seinen Nöthen mit Geld unterstützt hat, am 25. Juni 1370.

Nos Otto etc. marchio, recognoscimus tenore presentium et fatemur, quod reverendus in Christo pater, dominus Theodericus, dei et apostolice sedis gratia episcopus Brandenburgensis, non ex necessitate alicujus obligationis seu debiti sed de mera liberalitate propter evidentiam et notoriam necessitatem de presenti nos urgentem, ne videlicet castra et munitiones marchie nostre Brandenburgensis ad alienas manus obligare compelleremur, propter obtinendas certas pecunias nobis necessarias hostilitatibus et inimicitiiis diversorum nobis inimicantium ad resistendum et munitiones nostras



retinendas una cum omnibus dominis consiliariis, nobilibus, vassallis et civitatibus nostris pecuniis suis nos amicabiliter juxta duntaxat ista vice: Jure libertatis ecclesie Brandenburg et privilegii ipsius pro futuris temporibus in omnibus et per omnia salvis et illesis. In cujus rei testimonium etc. Presentibus strenuis viris Johanne de Rochow, Gerharde de Wederden, Hermanno de Wulkow militibus, Gevehardo de Alvensleben, Johanne de Schivelben, Nicolao de Bismarke, curie nostre magistro, Ottone Morner et Johanne de Schepeliz, nostro prothonotario canonico Stendalgenfi et ceteris pluribus fide dignis. Datum Berlin, anno domini M<sup>o</sup>.CCC<sup>o</sup>. septuagesimo in crastino nativitatis Johannis baptiste.

Nach dem Originale.

**CCLXXXI.** Der Markgraf Otto bestätigt den Besitz des Dorfes Zachow an das Domcapitel, am 28. Juni 1370.

Nos Otto, etc. lucide recognoscimus, quod honorabiles viri Otto prepositus, Henricus Prior totumque capitulum ecclesie Brandenburgensis nostri devoti dilecti et ipsa ecclesia Brandenburgensis villam Tzachow cum omnibus pertinentiis suis ex venditione solempni illustrium principum Ottonis et Alberti fratrum quondam Marchionum Brandenburg. felicitis recordationis predecessorum nostrorum a quibus prepositus, prior et capitulum ejusdem ecclesie Brandenburg. suis pecuniis pro se et suis sequacibus ac pro ipsa ecclesia rite et rationabiliter emerant et comparaverant, habuerunt et tenuerunt ac longis temporibus retro actis, quorum initium in memoria hominum non existit possederunt, deinde super precaria et servitio ejusdem ville inter predictos prepositum et capitulum ex una et strenuos viros Mathiam et Wilkinum fratres dictos de Bredow, residentes in Bredow parte ex altera, exorta materia questionis illis de Bredow dicentibus, quod illustris princeps Lodewicus Romanus quondam marchio Brandenburg. pie memorie frater noster karissimus et nos Otto, marchio predictus Mathiam de Bredow, eorum patrem, et suos veros et legitimos heredes de precaria et servitio ville Czachow infeudassimus; nam pro eo idem pater eorum quidquid habebat in villis Wustermarce et Valkenrede libere resignasse et dimisisse et de hac infeudatione consisti eadem precariam et servitium Heifoni dicto de Wellen civi in Brandenburg ulterius in feudum et Elizabeth uxori legitime ejusdem Heifonis in dotalicium contulerunt: ex adverso vero pro parte prepositi et capituli ecclesie Brandenburg. fuit allegatum, quod precaria et servitium supradicta una cum universitate ejusdem ville Tzachow ex emptione predicta ad se pertinerent eandem prefati prepositus, prior et capitulum suam vexationem redimentes pretactis Heifoni de Wellen et Elizabeth uxori ejus pro precaria et servitio predictis quadraginta quinque marcas argenti cum dimidia in pecunia numerata dederunt et persolverunt ac cum predictis Mathia et Wilkino de Bredow fratribus de nostro scitu et voluntate et expreso consensu amice composuerunt ita, quod dicti Heifo de Wellen et Elizabeth ejus uxor eadem precariam et servitium coram dicto Mathia de Bredow fratre ipsis preposito et capitulo sponte dimiserunt, idem quoque Mathias frater pro se et Wilkino fratre suo ac coram veris et legitimis heredibus ipsam precariam et servitium, quia a nobis in feudum habere dicebant, coram nobis in manus nostras ad utilitatem eorundem prepositi prioris et capituli sponte resignavit. Quas compositionem, dimissionem et resignationem nos gratam et ratam habemus et tenore presentium approbamus et confirmamus preterea in casu, quo ven-